



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloquentiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

Zitate

urn:nbn:de:hbz:466:1-38994

CICERO *In Prolog. Rhetoric.*

ME quidem diù cogitantem ratio ipsa in hanc potissimum sententiam ducit, ut existimem sapientiam sine eloquentia parum prodesse civitatibus: eloquentiam verò sine sapientia nimium obesse plerumque, prodesse nunquam.

PLINIUS *Junior epist. lib. 3.*

Malè eloquentia sine moribus discitur.

S. AUGUSTIN. *lib. 4. de Doctrin.*

Christian. Cap. 5.

SI ergo hæc illi, qui præcepta eloquentiæ tradiderunt, in iisdem libris, in quibus id egerunt, veritate instigante coacti sunt confiteri, veram, hoc est, supernam, *quæ à Patre luminum descendit*, sapientiam nescientes: quantò magis nos non aliter sentire debemus, qui huius sapientiæ filii & ministri sumus? Sapienter autem dicit homo tanto magis vel minus, quanto in Scripturis sanctis magis minusvè profecit, &c.

Ibid.

Qui eloquenter dicunt, suaviter: qui sapienter, salubriter audiuntur. Propter quod non ait Scriptura: *Multitudo eloquentium, sed multitudo sapientium sanitas est orbis terrarum.* Sicut autem sæpè sumenda sunt
amara,

amara, salubria, ita semper vitanda est pernicio-
sa dulcedo. Sed salubri suavitate, vel sua-
vi salubritate, quid melius? Quanto enim
magis illic appetitur suavitas, tanto facilius
salubritas prodest.

Ibid. Cap. I.

CVM ergò sit in medio posita facultas
eloquii, quæ ad persuadenda seu prava,
seu recta valeat plurimum, cur non bono-
rum studio comparatur, ut militet veritati,
si eam mali ad obtinendas perversas vanas-
que causas in usus iniquitatis & erroris
usurpant.

AUCTOR ex Martial. lib. 9.

*Majores majora sonent, mihi, parva locuto.
Sufficit, in laudem cedere cuncta DEI.*

OMNIBUS in omnibus nemo unus ad-
huc placuit.

DEMETRIUS PHALEREUS.

QVANTUM in bello ferrum, tantum in
Republica valet eloquentia.

THEMA-